

# E-libros – un nove mundo de litteratura


E-libros es libros digital, producite pro poter esser legite sur un schermo – de un telefono mobile, un tabletta computatorial, un e-lector o un computador “normal”. Assi on pote portar un tote bibliotheca de milles de titulos in su tasca, e on pote trovar o comprar sempre nove titulos per le Internet, quando e ubi on lo desira.

Il ha varie formatos digital de e-libros: PDF, EPUB e Kindle es le plus usate. PDF assecura que le layout e aspecto sempre remane le mesme, e on debe assi aggrandir o diminuir le pagina pro vider le parte que on vole leger o vider (si il tracta de illustrationes). EPUB permette que le texto se adapta al grandor del schermo, e on pote mesme seliger le fonte le plus agradabile e le grandor del texto; EPUB es le formato le plus usate pro ver e-libros. Kindle es le formato de Amazon que gratias a su position in le Internet in se es multo usate ma solmente usabile sur equipamento de Amazon como p.ex. le e-lector Kindle.

*Bibliotheca electronic in interlingua*  
www.interlingua.com


**11 contos (Anton Tchekhov)**  
**Agreste (H.C. Andersen)**  
**Amalia (José Mármol)**  
**Breve historia de Brasil (Harleinh Kusun Ir.)**

**Texto: Thomas Breinstrup**




## E-LECTORES

Il ha numerose modelos de e-lectores, multe de illos con schermo in blanc/nigre. Le batteria tipicamente dura usque a un mense, e on pote leger mesmo in sol directe al exterior. Alcun populares es Sony Reader (le plus nove PRS-T2), Kindle Fire HD, Kindle Paperwhite, Nook, Kobo. On pote anque leger e-libros sur tabletas como iPad, Nexus 7, Galaxy Tab etc. Pro computadores “normal” on pote installar software como Kindle for PC, Sony Reader for PC o Calibre; omnes es gratuite, ma Calibre es non solmente pro leger e administrar e-libros ma anque es pro converter e-libros e pote esser un poco comprehensivo.



E-libros in le bibliotheca sur le computador, vidite per le programma Sony Reader for PC.

**1** E-botecas como [www.kobobooks.com](http://www.kobobooks.com) e [www.amazon.com](http://www.amazon.com) vende libros. On paga e descarga los directemente o recipe un e-posta con un ligamine pro descargar le e-libro comprate. On debe expectar deber establir se como usator (gratuite). Multe e-libros in le e-librerias es in anglese. Il ha anque multe sitios con e-libros gratuite, sovente titulos vetere cuje directo de autor ha expirate. Visita p.ex. [www.bookrix.de/ebooks/lesen.html](http://www.bookrix.de/ebooks/lesen.html), [www.kobo.com/free-ebooks](http://www.kobo.com/free-ebooks), [www.feedbooks.com](http://www.feedbooks.com) o [www.gutenberg.org](http://www.gutenberg.org). Multe bibliothecas public offere e-libros a descargar pro periodos limitate. Le Union Mundial pro Interlingua (UMI) ha su proprie e sempre crescente bibliotheca de e-libros gratuite in interlingua: [www.interlingua.com/e-libros](http://www.interlingua.com/e-libros).



Pagina principal

**Mi Conto Bancari (Stephen Leacock)**

2012-10-11 19:04 Bibliotheca electronic in interlingua

Stephen Leacock: "Mi Conto Bancari", traducite in interlingua per Patricio Negrete, Union Mundial pro Interlingua, octobre 2012, 7 pp. A5 (PDF)


UMI Un novella humoristic de un homine qui ha un forte timor de bancas - e totevia debe ir pro assecurar su moneta. Stephen Leacock es un grande humorista canadian.

Discarga le libro como PDF

Discarga le libro como EPUB

**2** Clicca sur le titulo relevante pro vider le description del libro.

**3** Clicca per le button dextere sur le ligamine al libro e selige “Salvar contento del hyperconnexion como...” e pois selige ubi depositar le file digital. Discargate directemente al e-lector normalmente lo placia in le depositorio correcte.



**4** Selige le libro pro aperir lo, e comencia leger. Cambia eventualmente le grandor del texto o le fonte. Il es possibile inserer notas e marcas in le libro; illos es conservate, usque on los dele. Simplemente claude le e-lector, quando tu non vole leger plus; illo retorna al position correcte, quando tu reaperi le libro.

**DERECTOS**

Pro guardar se contra copias illegal, multe venditores ha codificate le e-libros. Isto require que on installa un programma de tractar drectos como Adobe Digital Editions. Illo assecura que un e-libro prestate de un bibliotheca public expira post p.ex. 30 dies, e le file digital pote esser delite.